




Menu



HOME



OGLASI



• KONKURSI

• JAVNE NABAVKE

• ZAVRŠENE JAVNE NABAVKE



VIJESTI 122 I SAOPĆENJA



AKTUELNO



GRADANSTVO



INFORMACIJE



CYBER SIGURNOST



LINKOVI



Arhiva bilten

Jun 2024						
Po	Ut	Sr	Ce	Pe	Su	Ne
27	28	29	30	31	1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

Pregled vijesti 122



Bilten za 03.06.2024. godine

Objavljeno utorak, 04 Juni 2024 08:37

Klikova: 91

JAVNI RED I MIR

Na području Zeničko-dobojskog kantona javni red i mir je narušen u četrnaest slučajeva.

U navedenim događajima intervenisali su policijski službenici i protiv počinitelaca preduzeli zakonom predviđene mjere i radnje.

KRIMINALITET

Zenica

U toku noći 02/03.06.2024. godine, u ulici Sarajevska, od strane nepoznatog lica izvršeno je krivično djelo "Teška krađa" u prostorije firme "CE- Inžinjeri" Zenica. Tom prilikom otuđena je određena količina elektro kablova. Izvršen je uviđaj, a daljnji rad na otkrivanju počinioca ovog krivičnog djela nastavljaju policijski službenici Odsjeka kriminalističke policije Policijske uprave I.

Dana 02.06.2024. godine, u 22,30 sati, u ulici Ilirski put, od strane lica O.S., rođen 2001. godine iz Zenice, izvršeno je krivično djelo "Posjedovanje i omogućavanje uživanja opojnih droga". Izvršenim pregledom od strane policijskih službenika Policijske stanice Crkvice kod istog je pronađen jedan upakovan sadržaj praškaste materije koja svojim izgledom asocira na opojnu drogu "Speed", bruto težine 1,30 grama i jedna tableta plave boje. Pronađena materija je oduzeta, a lice lišeno slobode i zadržano u prostorijama za zadržavanje.

Visoko

Dana 03.06.2024. godine, u 08,25 sati, u prostorije Policijske stanice Visoko obratilo se lice K.A., rođena 2005. godine iz Visokog i prijavila da je u posljednjih sedam dana, na području Grada Visoko, od strane lica G.M. i F.M. iz Velike Kladuše, izvršeno krivično djelo "Ugrožavanje sigurnosti", na način da su istoj uputile ozbiljnu prijetnju putem društvene mreže "TikTok". Navedena prijava je evidentirana, a daljnji rad na dokumentovanju krivičnog djela nastavljaju istražitelji Policijske stanice Visoko.

Dana 03.06.2024. godine, u 12,55 sati, u prostorije Policijske stanice Visoko obratilo se lice R.N., rođena 1965. godine iz Visokog i prijavila da je u posljednja tri dana, na području Grada Visoko, od strane lica G.R.E., rođen 1973. godine iz Visokog, izvršeno krivično djelo "Ugrožavanje sigurnosti", na način da je istoj uputio ozbiljnu prijetnju putem društvene mreže "Viber". Lice G.R.E. je lišeno slobode i zadržano u prostorijama za zadržavanje, nakon čega je nad istim zavedena kriminalistička obrada.

Dana 03.06.2024. godine, u 13,25 sati, u mjestu Topuzovo Polje, od strane lica F.E., rođen 1979. godine iz Ilijaša, izvršeno je krivično djelo "Ugrožavanje sigurnosti", na način da je uputio ozbiljnu prijetnju licima O.N., rođen 1979. godine i O.M., rođena 1985. godine oboje iz Visokog. Lice F.E. je lišeno slobode i zadržano u prostorijama za zadržavanje, nakon čega je nad istim zavedena kriminalistička obrada.

Kakanj

Dana 03.06.2024. godine, u 07,58 sati, u prostorije Policijske stanice Kakanj obratio se Š.S., rođen 1994. godine iz Kaknja, uposlenik firme "Trgošped" Kakanj i prijavio da je u vremenskom periodu od 01.06. do 03.06.2024. godine u krugu Osnovne škole u naselju Termoelektrana Kakanj, od strane nepoznatog lica izvršeno krivično djelo "Teška krađa". Tom prilikom je iz rezervoara radne mašine marke "CAT 308" vlasništvo navedene firme otuđeno 80 litara dizel goriva. Od strane istražitelja Policijske stanice Kakanj izvršen je uviđaj, uz upoznavanje dežurnog tužioca.

Breza

Dana 03.06.2024. godine, u 09,00 sati, u prostorije Policijske stanice Breza obratilo se lice R.M., rođen 1980. godine iz Vareša i prijavio da je dana 01.06.2024. godine dok je boravio u ugostiteljskom objektu "Kod Muste", koji je lociran u mjestu Hrasno, općina Breza, od strane lica M.Z. i T.S. izvršeno krivično djelo "Krađa" novca u određenom iznosu, koji se nalazio u njegovoj torbici. Daljnji rad na dokumentovanju navedenog krivičnog djela nastavljaju istražitelji Policijske stanice Breza.

Zavidovići

Dana 03.06.2024. godine, u 17,55 sati, u prostorije Policijske stanice Zavidovići obratilo se lice B.A., rođen 1991. godine iz Zavidovića i prijavio da je dana 01.06.2024. godine, u ulici Patriotske lige, od strane lica Z.A. iz Zavidovića, izvršeno krivično djelo "Teška krađa" u njegovu kuću. Tom prilikom iz kuće je otuđen novac u određenom iznosu, zlatni i srebreni nakit, putna isprava i bankovne kartice na njegovo ime. Od strane istražitelja Policijske stanice Zavidovići izvršen je uviđaj, uz upoznavanje dežurnog tužioca.

Tešanj

Dana 03.06.2024. godine, u 06,50 sati, u prostorije Policijske stanice Tešanj, obratio se Č.D., rođen 1998. godine iz Zenice, uposlenik firme "Doboj Putevi", koji je prijavio da je u vremenskom periodu od 30.05. do 03.06.2024.godine, u mjestu Kraševo, na gradilištu autoputa A 1, od strane nepoznatog lica izvršeno krivično djelo "Teška krađa". Tom prilikom iz rezervoara radne mašine, marke "Komatsu" vlasništvo navedene firme otuđena je određena količina dizel goriva. Izvršen je uviđaj od strane istražitelja Policijske stanice Tešanj.

Žepče

Dana 03.06.2024. godine, postupajući po Naredbi Općinskog suda u Žepču, od strane policijskih službenika Policijske stanice Žepče u mjestu Ozimica izvršen je pretres kuće i pomoćnih objekata koje koristi lice Š.I., rođen 1982. godine iz Žepča. Prilikom pretresa pronađena je jedna automatska puška marke Crvena zastava sa preklopnim kundakom, dva okvira za municiju, 448 komada puščane municije kalibra 7,62 mm, 12 komada pištoljske municije sa okvirom i 50 patrona za lovačko oružje. Pronađeni predmeti su oduzeti, a lice Š.I. je zbog osnova sumnje da je počinio krivično djelo "Nedozvoljeno držanje oružja ili eksplozivnih materija" lišeno slobode i zadržano u prostorijama za zadržavanje, nakon čega je nad istim zavedena kriminalistička obrada.

BEZBJEDNOST SAOBRAĆAJA

Na području Zeničko-dobojskog kantona dogodilo se pet saobraćajnih nezgoda u kojima je jedno lice zadobilo lakše tjelesne povrede, dok je na vozilima pričinjena materijalna šteta.